

AKHBAR : HARIAN METRO
MUKA SURAT : 6
RUANGAN : COVID-19

Arah PKPD di dua lokaliti

Kuala Lumpur: Perintah Kawalan Pergerakan (PKP) Diperketatkan (PKPD) dikenakan di Kampung Emperoh Jambu, Padawan, Kuching, Sarawak dan Kampung Tanah Merah, Kota Marudu, Sabah bermula hari ini.

Ia susulan peningkatan mendadak kes Covid-19 di dua lokaliti berkenaan yang membabitkan 1,960 penduduk.

Menteri Kanan (Keselamatan), Datuk Seri Ismail Sabri Yaakob berkata, keputusan itu dibuat selepas ujian saringan Kementerian Kesihatan (KKM) menunjukkan peningkatan dengan 60 kes positif di Kampung Emperoh dan 56 kes di Kampung Tanah Merah.

"Di Kampung Emperoh Jambu, Padawan, KKM mengesahkan berlaku peningkatan kes secara mendadak di lokaliti ini dan kadar kebolehsangkitan dalam komuniti adalah tinggi.

"Manakala di Kampung Tanah Merah, Kota Marudu pula 57 orang didapati positif Covid-19 hasil daripada 226 ujian saringan yang dilaksanakan.

"Setelah membuat penilaian risiko bersama pelbagai agensi dalam Jawatankuasa Teknikal PKP dan atas nasihat KKM, kerajaan bersetuju melaksanakan PKPD di dua lokaliti bermula 23 Februari sehingga 8 Mac 2021," katanya dalam kenyataan, semalam.

Terdahulu, Ismail Sabri berkata, 509 individu ditahan kerana melanggar PKP, kelmarin dengan 466 di kompaun, 39 direman dan empat lagi dijamin.

"Antara kesalahan direkodkan ialah rentas daerah/negeri tanpa kebenaran (120), tiada penjarakan fizikal (95), gagal menye-



Keputusan dibuat selepas ujian saringan KKM menunjukkan peningkatan dengan 60 kes positif di Kampung Emperoh dan 56 kes di Kampung Tanah Merah"

Ismail Sabri

diakan peralatan atau merekod pelanggan (111), tidak memakai pelitup muka (49), aktiviti Pusat Hiburan (37), premis beroperasi lebih masa atau tanpa kebenaran (8), keluar rumah tanpa alasan munasabah (11), aktiviti perjudian (54) dan lain-lain (24).

"Seramai 3,247 Pasukan Pematuan membabitkan 14,518 anggota membuat pemantauan di 6,110 restoran, pasar raya (4,613), bank (4,204), penjaja (2,744), pasar awam/tani (2,265), kilang (1,618) dan pejabat kerajaan (847).

"Turut dipantau ialah tempat ibadah (3,786), tempat riadah (1,669), terminal pengangkutan darat (1,224), terminal pengangkutan air (294) dan terminal pengangkutan udara (102)," katanya.

Mengulas mengenai Op Benteng, Ismail Sabri berkata, seramai 16 pendatang asing tanpa izin (Pati) ditahan dan lima kenderaan darat dirampas, selain pihak berkuasa mengesan 86 bot dan kapal di perairan negara.

"Sebanyak 512 sekatan jalan raya (SJR) semalam (kelmarin) oleh agensi-agensi keselamatan yang menyertai gerakan Op Benteng," katanya.



PERDANA Menteri Tan Sri Muhyiddin Yassin diberi penerangan mengenai Penyejuk Beku Bersuhu Ultra-Rendah (ULTF) untuk simpanan vaksin Covid-19 Jenis Pfizer BioNTech oleh Pegawai Farmasi, Ahmad Tarmidzi Mohamed (kiri) semasa melawat bilik simpanan vaksin di Institut Kanser Negara (IKN), Putrajaya, semalam. Turut hadir, Menteri Kesihatan Datuk Seri Dr Adham Baba.

Kes sembuh atasi jangkitan baharu

Seramai 2,192 positif Covid-19, 3,414 individu sembuh semalam

Oleh Ekhwan Haque
Fazlul Haque
ekhwan@hmetro.com.my

Kuala Lumpur

Kementerian Kesihatan Malaysia (KKM) merekodkan 2,192 kes baharu Covid-19 semalam, menyusut 1,105 kes berbanding data kelmarin.

Ketua Pengarah Kesihatan, Tan Sri Dr Noor Hisham Abdullah berkata, daripada jumlah itu, 2,189 kes adalah jangkitan tempatan manakala bakinya kes import.

Katanya, jumlah kes sembuh mengatasi jangkitan baharu dengan 3,414 kes, menjadikan keseluruhan 252,623 kes.

"Bagaimanapun, KKM merekodkan enam kematian hari ini (semalam) menjadikan jumlah kumulatif setakat ini 1,062 kes," katanya dalam satu kenyataan media, semalam.

Dr Noor Hisham berkata, 199 pesakit masih menerima rawatan di unit rawatan rapi (ICU) yang mana 91 kes daripadanya memerlukan bantuan pernafasan.

Menurutnya, Selangor melaporkan kes harian baharu tertinggi iaitu sebanyak 910 kes, merangkumi 742 kes adalah daripada kluster dan saringan kontak rapat yang aktif di lapangan.

"Jangkitan kedua tertinggi dilaporkan Kuala Lumpur iaitu sebanyak 303 kes manakala Sarawak merekod 221 kes.

"Sebanyak 109 kes yang dilaporkan pula adalah berkaitan kluster di penjara dan depot tahanan imigresen," katanya.

Sementara itu, katanya, lapan kluster baharu dilaporkan semalam dengan tujuh kluster berkaitan tempat kerja dan satu kluster membabitkan komuniti.

Kluster itu adalah Tapak Bina Jalan Kota, Tapak Bina Lombong Timah Selangor dan Pasar Jalan Putra di Selangor, manakala kluster Tapak Bina Sungai di Kuala Lumpur, selain Kluster Industri Sungai Gadut di Negeri Sembilan; Hilir Sungai Kluang di Pulau Pinang; serta Sungai Bakong dan Emperoh Jambu di Sarawak.

Siasat jika ada kecuaiian kes tertukar bayi Hospital Melaka

Melaka: Jabatan Kesihatan negeri melakukan siasatan dalaman terhadap kes pertukaran bayi di Hospital Melaka minggu lalu sama ada berlaku kecuaiian petugas kesihatan atau sebaliknya.

Exco Kesihatan dan Antidadah negeri Datuk Rahmad Mariman berkata, tindakan tatatertib juga perlu dikenakan ke atas petugas kesihatan berkenaan jika terdapat unsur kecuaiian sehingga menyebabkan kes itu berlaku.

"Kes ini tidak pernah berlaku di Melaka dan ia di-



Tindakan tatatertib juga perlu dikenakan ke atas petugas kesihatan berkenaan jika terdapat unsur kecuaiian sehingga menyebabkan kes itu berlaku"

Rahmad

katakan berpunca daripada kesilapan dan kecuaiian petugas.

"Jadi saya mengesyorkan supaya petugas kesihatan yang terbahit dikenakan tindakan tatatertib kerana ia adalah kes yang serius," katanya pada sidang media di pejabatnya di Ayer Molek di sini, semalam.

Baru-baru ini insiden pertukaran bayi yang dilahirkan pada 12 Februari lalu seberat 3.1 kilogram ditularkan seorang wanita dilaman Facebook miliknya.

Dalam status dimuat naik

berkenaan, wanita terbahit dilaporkan berkata, dia dibenarkan pulang pada 15 Februari lalu dengan bayi lelakinya terpaksa ditahan wad hospital kerana jaundis.

Bagaimanapun, pada 17 Februari lalu, ketika dia datang semula ke hospital untuk menyusukan bayinya, dia terkejut seorang lagi bayi lelaki yang diletakkan katil bayi bukan anaknya, sebaliknya milik orang lain manakala bayinya pula sudah diambil orang lain selepas dibenarkan keluar wad pada waktu tengah hari, hari sama.

Pihak hospital berjaya menghubungi pemilik sebenar bayi di hospital berkenaan dan keduanya menukar semula bayi masing-masing.

Sehubungan itu, Rahmad berkata, kes tertukar bayi terbahit bagaimanapun diselesaikan dengan baik antara pihak hospital dan kedua-dua keluarga.

"Saya mewakili kerajaan negeri serta Jabatan Kesihatan negeri memohon maaf mengenai perkara itu dan berharap kejadian itu tidak berulang lagi," katanya.